



FAXED
MAY 12 2009

COMUNICADO DI PRENSA

Fecha: 1 di mei 2009

No.: 01-09

Oranjestad - En conexion cu e eleccion pa miembro di parlamento na september proximo, gremionan comercial y sindical ATIA, KvK, SdU y FTA a acorda pa re-activa e comision conoci como "Comision Bon Boluntad" (CBB). Igual na añanan 1994, 1997, 2001 y 2005 e comision aki tin e tarea pa stipula reglanan y monitor campaña electoral di partidonan politico, y pa asegura un campaña limpi, transparente y di nivel halto. E reglanan di conducta ta worde formaliza den un convenio cu partidonan politico. CBB ta haña tambe necesario pa yega na un convenio cu prensa, reconociendo e papel crucial di prensa y apelando riba principionan general di etica y profesionalismo di prensa.

Dia 9 di april ultimo e miembronan di comision a keda instala y ta consisti di representante di e siguiente gremionan den nos comunidad: Ernst Mohamed – dunador di trabao, Rudy Geerman – sindicato, Ava Thodé – enseñanza, pastor Jairo Maduro – clero, Peter de Witte – cuerpo policial. Miembronan suplente ta Sres. Ireño Valdes – sindicato, Jose Fernandes Perna – enseñanza, Adolf Richardson – cuerpo policial y pastor Daniel Szpila – clero. Adicionalmente, Sra. Birgit Kreykenbohm lo fungi como "liaison" entre comision y medionan di comunicacion, mientras e secretariado di e comision ta wordo administra pa Camara di Comercio y Industria, bou di encargo di Sra. Lorraine de Souza y Sr. Leo Maduro. E presidencia di e comision ta den man di Sra. Lydia Emerencia.

Actualmente e comision ta reuni cu e partidonan politico pa revisa e Convenio Electoral 2009. Unabes esaki keda actualisa e comision lo duna mas informacion al respecto. Inmediatamente despues lo reuni cu prensa pa logra un convenio cu nan tambe. Comision Bon Boluntad ta conta cu tur partido politico cu ta participa na e eleccion venidero lo sostiene e meta di e comision y lo firma e convenio aki. Igualmente ta conta riba apoyo di prensa.

Atentamente,
Na nomber di Comision Bon Boluntad,


Lydia Emerencia, Presidente

Secretariado di Comision di Bon Boluntad :
Tel. 582-1120 Ext. 29/34/41-Fax. 588-3200
E-mail secretariat@arubachamber.com

Website: www.arubachamber.com/ComisionBonBoluntad.htm